

通達離諸惡趣三昧欲令一切衆生離諸惡趣故其王夫人得諸佛集三昧能知諸佛秘密之藏二子如是以方便力善化其父令信心解好樂佛法於是妙莊嚴王與羣臣眷屬俱淨德夫人與後宮綵女眷屬俱其王二子與四萬二千人俱一時共詣佛所到已頭面礼足繞佛三匝却住一面尔時彼佛為王說法示教利喜王大歡悅尔時妙莊嚴王及其夫人解頸真珠瓔珞價直百千以散佛上於虛空中化成四柱寶臺臺中有大寶牀敷百千萬天衣其上有佛結跏趺坐放大光明尔時妙莊嚴王作是念佛身希有端嚴殊特成就第一微妙之色時雲雷音宿王華智佛告四衆言汝等見是妙莊嚴王代日合掌立